



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 86. Novum Virginum Anglicanarum Institutum a Jesuitissis longe
diversum.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

§. LXXXVI.

Sæc. XVII.
A. C. 1609.*Novum Virginum Anglicanarum Institutum a Jesuitissis longe diversum.*

Originem hujus Instituti, cujus So-
 dales *Anglicanæ Virgines* nominan-
 tur, nonnulli a quadam Nobili Virgine
 Joanna Maria Warth, seu de Guardia
 tanquam prima Fundatrice perperam
 repetunt. Hæc in Anglia Nobilibus
 orta Parentibus, anno Christi millesi-
 mo sexcentesimo sexto Audomaropolin
 Belgii urbem delata, in duobus D. Cla-
 ræ Monasteriis Virginitatem Deo dica-
 bat, inde vero egressa, currente hoc
 anno, cum se ad aliud vitæ genus voca-
 tam crederet, ibidem proprio motu
 quemdam Virginum convictum aperuit,
 aliosque similes dein in aliis Belgii lo-
 cis, necnon in Leodiensi, Trevirensi
 & Coloniensi urbibus constituit, eo fine,
 ut hæ Virgines passim in Angliam pro-
 fecturæ, Protestantium conversioni in-
 sudarent, partim etiam alibi de Urbe
 in Urbem, de Regno in Regnum trans-
 migraturæ, honestas puellas quasdam
 omni pietatis studio, literis & huic sexui
 & ætati accommodis laboribus imbuen-
 di curam in se fusciperent. Petiit etiam
 Maria de Warth anno Domini millesimo
 Gg 2 sexcen-

Bullar. Magn. Bened. XIV, tom. 18. Hornbeck in exam. Bull. Urb. VIII. contra Jesuitiss.

Sæc. XVII. sexcentesimo vigesimo primo Romam,
A. C. 1609. a Gregorio Papa XV. Instituti sui confirmationem impetratura: vehementer tamen eidem Procurator Cleri Anglicani, necnon postea Clesselius Cardinalis & Viennensis Episcopus allatis gravibus querelis vehementer obstiterunt, unde factò hujus Instituti examine Sacra Cardinalium negotiis Propagandæ fidei præpositorum Congregatio annuente Urbano VIII. Papa decrevit, ut Apostolicæ Sedis Nuntii præfatum Institutum, ejusque Domus omnino extirpari ac supprimi curarent. Cum vero prædictæ Virgines se a Jesuitis, & præcipue P. Gerardo Collegii Leodiensis Rectore directas esse jactarent, atque ad ipsorum normam cuncta componere, in omnibus illos imitari, variosque Sodalitatis suæ gradus, & munia, imo & Præpositam Generalem, Rectricesque, non attento Sedis Apostolicæ Beneplacito instituere satagerent, ac propterea *Jesuitissæ* passim nuncuparentur, ea propter summus Pontifex Matio Vitellesco Jesuitarum Generali serio injunxit, ut omnibus suis Sociis districte inhiberet, ne se deinceps directioni quarumcunque Sanctimonialium immiscerent, aut eis leges vel Constitutiones præscribere præsumerent, eoquod ejusmodi directio a mente Sancti
 Igna-

Ignatii, ejusque Instituto plurimum ab-
 horreret, notumque esset, quod hic
 idem Sanctus Fundator, cum Romam
 pro obtinenda Societatis suæ confirma-
 tione advenisset, atque pariter Elisa-
 betha Rosella, ut cum aliis piis mulie-
 ribus sub Societatis Instituto ac Regi-
 mine convivendi facultatem obtineret,
 in Urbem se contulisset, Sanctus Igna-
 tius petierit, atque obtinuerit a Ro-
 mano Pontifice, ut nullus Jesuita cu-
 ram ac directionem Monialium ullo un-
 quam tempore in se suscipere teneatur:
 quoniam vero præfatum Instituti caput
 minus religiose progressu temporis ser-
 vatum fuit, excusatio petenda videtur
 ex benigna Ignatianæ mentis interpre-
 tatione de *ordinaria* directione, aut ex
 Præfulum mandatis, & petentium im-
 portunitate. Ceterum juxta S. Congre-
 gationis præceptum Audomaropoli,
 Leodii & Colonix Jesuitissarum Domus
 supprimebantur; ne vero Trevirensis
 Conventus idem fatum subiret, obstitit
 Cambiana, quæ se hujus Instituti Visi-
 tatricem a Maria de Warth Præposita
 Generali esse constitutam asserbat.
 Agebatur igitur tum de honore præfatæ
 Præpositæ, quæ etiam missis undique
 encyclicis literis suas sequaces admo-
 nuit, ne Papæ mandatis obtempera-
 rent. Tandem vero Anno Incarnatio-

Sæc. XVII.
 A. C. 1609.

Sæc. XVII. nis Dominicæ millesimo sexcentesimo
A. C. 1609. trigesimo primo die decima tertia Ja-
 nuarii Urbanus VIII. edito diplomate,
 cujus suo loco mentio recurret, præ-
 tensam hanc Jesuitissarum Congregatio-
 nem perpetuo abolevit, suppressisque
 omnibus earum officiis ipsam Mariam
 de Warth, quæ interim in Belgium se
 receperat, necnon etiam præfatam Cam-
 bianam in custodiam dari jussit, quæ
 ambæ postea Romam adductæ, ibidem
 in urbe loco carceris usque ad annum
 post Christum natum millesimum sex-
 centesimum trigessimum septimum de-
 tinebantur: Ex his igitur luculenter
 elucet, quod dicta Virgo Maria de
 Warth potius suppressi Jesuitissarum
 Instituti Fundatrix extiterit, nullatenus
 autem novi illius earum Virginum,
 quæ *Anglicanæ* nuncupantur. Hæ enim
 primævum suum ortum trahunt a qui-
 busdam Nobilibus Catholicis Virgini-
 bus, quæ ex Anglia, Patria sua sub
 idem ferme tempus odio Catholicæ Re-
 ligionis, quæ ibidem vexationem pa-
 tiebatur, expulsæ atque extorres in va-
 riis Germaniæ Urbibus liberaliter ex-
 ceptæ fuerunt, ac sub Ordinarii juris-
 dictione in communi viventes tam pro-
 priæ animarum salutis, quam etiam pro-
 ximi utilitati vacare, puellisque, quæ
 ipsis erudiendæ tradebantur, instituen-
 dis

dis incumbere cæperunt, econtra autem Sæc. XVII.
 Jesuitiffæ, specie salutis animarum promo- A. C. 1609.
 vendæ, opera permulta, sexus, & ingenii
 imbecillitati ac modestiæ muliebri, & Vir-
 ginali præsertim pudori minime convenientia,
 & quæ Viri etiam Sacrarum literarum
 scientia, rerumque usu, vitæque innocentia
 spectatissimi, difficile admodum, & nonnisi
 magna circumspèctione adhibita aggrediun-
 tur, attentare & exercere consuevere. No-
 vum igitur hoc, atque a Jesuitiffis longe
 diversum Institutum Christianæ Reipu-
 blicæ tam proficuum credebatur, ut sub
 Pontificatu Innocentii Papæ XII. circa
 annum salutis nostræ millesimum sex-
 centesimum nonagesimum tertium cre-
 bræ plurium Germaniæ Principum pre-
 ces ad Sedem Apostolicam deferrentur,
 quibus novi hujus Instituti approbatio
 petebatur: Eapropter hujus rei cogni-
 tio a summo Pontifice Congregationi
 S. R. E. Cardinalium Concilii Tridentini
 Interpretum demandata est, quæ etiam
 præfati instituti Constitutiones mature
 discussas approbavit, earumque post-
 ea approbationem, reprobatis ceteris
 aliis Constitutionibus, Clemens XI. e-
 dito diplomate confirmavit, id effla-
 gitante Maximiliano Emanuele Bava-
 riæ Duce atque Electore, cujus Sere-
 nissimus Avus Maximilianus itidem
 Bavaræ Dux hæc Virgines in quibus-

Sæc. XVII. dam ditionis suæ urbibus præcipue Mo-
 A. C. 1610. nachii exceperat.

§. LXXXVII.

*Alberti Archiducis edita pro tuenda
 Religione Catholica.*

*Merc. Gal-
 lobelg. t. 6.
 Annal. l. 3.
 Et lib. 33.*

Ineunte Mense Januario anni post Chris-
 tum natum sexcentefimi decimi su-
 pra millesimum Albertus Austriæ Ar-
 chidux, ac Belgii Princeps, ut pro a-
 vito suo Religionis studio fidem Catho-
 licam sartam servaret, suosque subdi-
 tos ab omni hæresis fermento præmuni-
 ret, salutaria sane promulgabant edita;
 cum enim post firmatas cum Foederatis
 inducias non sine animi sui mœrore in-
 telligeret, quod non pauci liberioris di-
 sciplinæ ac novitatum studiosi Antver-
 pia, atque ex aliis Belgii Urbibus ad
 Calvinistarum conciones confluerent, ne
 ex hac licentia Religioni Catholicæ de-
 trimentum accederet, sequens editum
 hanc in sententiam promulgari iussit.
 „Cum ad nostras aures pervenerit, a tur-
 „bulentis quibusdam Conciones, & no-
 „cturna conventicula haberi, vocesque
 „contumeliosas ad seducendos Catho-
 „licos spargi, hac in re nostro deesse of-
 „ficio haud possumus, nec volumus,
 „sed jubemus, ut quicumque in Foede-
 „ratorum ditione habitant, vel com-
 „mer-